



## QAASUITSUP KOMMUNIA

### AQUTSINERMI ILEQQOREQQUSAT, KOMMUNALBESTYRELSE

#### **Qaasuitsup Kommuniata suliaasaataanik aqutsineq pillugu ileqqoreqqusaq.**

##### **Kommunalbestyrelse**

§ 1. Kommunalbestyrelse 21-inik ilaasortaqqarpoq.

*Imm.* 2. Kommunalbestyrelse borgmesterimik ataatsimik taassuma tullianik siullermik aappaanillu qinersissaaq, tak. kommunit aqunneqarnerat pillugu inatsisartut inatsisaat nr. 22, 18. november 2010-meersoq (sinnerani aqutsinissamik inatsimmik taagorneqartoq) § 6.

§ 2. Kommunalbestyrelsemut piareersaanermut, ataatsimiigiaqqusinermit aamma ingerlatsinissaannut malittarisassat kommunalbestyrelsep ileqqoreqqusaani aalajangersarneqassapput, tak. aqutsinissamik inatsimmi § 1 imm. 3 aamma kapitali 2.

§ 3. Kommunalbestyrelsep ileqqoreqqusaani borgmesterip suliaasaanik malittarisassat aalajangersarneqassapput, tak. aqutsinissamik inatsimmi kapitali 3.

##### **Ataatsimiititalianik pilersitsineq aamma ataatsimiititaliat suliaasaannut il.il. maleruagassat nalinginnaasut.**

§ 4. Aqutsinissamik inatsimmiittoq § 24 naapertorlugu aningaasaqarnermut ataatsimiititaliaq pilersinneqassaaq.

*Imm.* 2. Aningaasaqarnermut ataatsimiititaliami borgmesteri, ataatsimiititaliami siulittaasutut kiisalu kommunalbestyrelsemi ilaasortat arfinillit ilaasortaassapput.

*Imm.* 3. Aqutsinissamik inatsimmi § 25-imi kiisalu kapitali 5-imi ataatsimiititaliamut suliaasiissutigineqartut Aningaasaqarnermut ataatsimiititaliap suliaasarai.

*Imm.* 4. Aningaasaqarnermut ataatsimiititaliap nammineerluni suleriaasissani aalajangersassavaa.

*Imm.* 5. Tamatuma saniatigut Aningaasaqarnermut ataatsimiititaliap makku suliaasarai:

- Destination Avannaa A/S-mut sullissinermit isumaqatigiissut (takornariaqarnermut tunngasut)
- Aatsitassarsiornermut inuussutissarsiornermullu tunngasut, matumani ilanngullugit Avatangiisinut tunngatillugu apeqqutit, eqqagassaqqarneq, VVM, SIA, pilersaarutit, sinaakkutit iliuusissatullu pilersaarutit, tusarniaanerit ilaatigut atuartitaanermut ilinniartitaanermullu tunngatillugu, aatsitassarsiornermut ikummatissarsiornermullu tunngatillugu ingerlanneqartut kingunissai pillugit paasissutissiineq.
- Akileraartarnermut atugarissaarnermullu isumalioqatigiissitap isumaliuutissiissutaasa kingunissaat

*Imm.* 6. Aningaasaqarnermut ataatsimiititaliap Qaasuitsup Kommuniata immikkoortuinik pilersaarusiorneq isumagissavaa, tassa Kommunalbestyrelsep piginnaatitsissut Aningaasaqarnermut ataatsimiititaliamut tunniussavaa, immikkut inatsimmi toqqaannartumik allassimangippat Kommunalbestyrelse “ataatsimiinnikkut” aalajangiissasoq.

##### **Ataatsimiititaliat ataavartut**

§ 5. Ataatsimiititaliat ataavartut makku pilersinneqassapput:

- 1) Isumaginninnermut Ilaqutareeqarnermullu Ataatsimiititaliaq tallimanik ilaasortalik.

Aqutsinermi Ileqqoreqqusat november 2009 kal. missingiut

Qupperneq 1 -5-iusunit



## QAASUITSUP KOMMUNIA

### AQUTSINERMI ILEQQOREQQUSAT, KOMMUNALBESTYRELSE

- 2) Sanaartornermut, Avatangiisinut Angallannermullu Ataatsimiititaliaq tallimanik ilaasortalik.
- 3) Aalisarnermut Piniarnermullu Ataatsimiititaliaq tallimanik ilaasortalik.
- 4) Kulturimut Atuarfeqarnermut Sunngiffimmilu Ataatsimiititaliaq tallimanik ilaasortalik.
- 5) Inuussutissarsiornermut Aatsitassarsiornermut Takornariaqarnermullu Ataatsimiititaliaq tallimanik ilaasortalik

*Imm. 2. Ataatsimiititalit siulittaasussartik namminneq qinissavaat, tak. Aqutsinissamik inatsimmi § 27.*

*Imm. 3. Ataatsimiititaliat namminneerlutik suleriaasissatik aalajangersassavaat.*

*Imm. 4. Ataatsimiititaliat ataatsimiinnerini tamani ataatsimiititalip aalajangiussai imaqarniliamut allanneqartassapput, ilaasortanillu ataatsimiinnermi peqataasimasunit ataatsimiinnerup naanerani atsiorneqartassalluni. Ilaasortap kialluunniit isummani aalajangiussinnermi imaqarniliamut allatsissinnaatitaavaa sulianilu, pisortaqaqfimmu allamut ataatsimiititaliamit nassiunneqartussani, imaqarniliami tamanna ilisimatitsissutigisinnaallugu.*

*Imm. 5. Ataatsimiititaliat ataavartut siulersugassaraat imminnut suliassiissutigineqartut ukiumoortumik aningaasanut missingersuusiap akuerineqarsimasup iluani aammalu kommunalbestyrelsip akuersissutigisimasai allat naapertorlugit. Ataatsimiititaliat ataavartut aningaasat akuerineqarsimasut atuinnermiit nikingannginnissaat nakkutigissavaat aammalu aningaasaqarnermut ataatsimiititaliaq aqutugalugu kommunalbestyrelsimut siunnersuuteqassallutik aningaasat ilassutissatut akuersissutissat kissaatiginartutut pisariaqartutulluunniit isumaqarfiginarpata.*

*Imm. 6. Iliuusissat ataatsimiititaliamut allamut annertuumik pingaaruteqartut aallartinneqannginneranni ataatsimiititaliap ataavartup pisariaqartitsineq tunngavigalugu borgmesteri akuutillugu, tak. § 29 aqutsinissami inatsimmi, ataatsimiititaliaq pineqartoq isumaqatiginiassavaa.*

**§ 6. Imm. 1.** Isumaginninnermut Ilaqutareeqarnermullu Ataatsimititaliap suliassaqaqfiit makku iluini suliassat suliarisassavai

- Ulluunerani paaqqinnittarfinni akeqanngitsumik ineqartitsineq,
- Meeqqanik inuusuttunillu ikiorsiisarneq, paaqqinnittarfimmiititaqarneq ilanngullugu,
- Pinaveersaartitsineq,
- Siusinaartumik pensionit,
- Meeqqanut akilersuutit,
- Pisortat ikiorsiisarneq,
- Inuttut ikiorsiissutit allat,
- Utoqqarnik isumassuineq, utoqqaat illui utoqqalinersiutisiaqartullu angerlarsimaffii,
- Innarluutillit, taakku najugaqarfii ilanngullugit,
- Isumaginninnermi ikiorsiisarnerit allat, qimarnguiviit ilanngullugit,
- Sanaartukkat isumaginninnermi atortussat pilersaaruserneri,
- Namminersortunit suliart tigoqqarneqarnerisa pilersaaruserneri, imigassaq, innarluuteqartunik isumaginninneq, ulloq unnuarlu paaqqinnittarfiit, (aaqqissusseqqinneq),

Ataatsimiititaliaq siunnersuusiortassaaq kommunalbestyrelsemullu isumaginninnermi periusissanik naalakkersuinikkullu sulianik innersuusiortassalluni, aningaasaqarnermut ataatsimiititaliaq suleqatigalugu.

*Imm. 2.* Sanaartornermut Avatangiisinut Angallannermullu Ataatsimiititaliap suliassaqaqfiit makku iluini suliassat suliarisassavai:

- Aqquserngit, ikaartarfiit tummeqqat,



## QAASUITSUP KOMMUNIA

### AQUTSINERMI ILEQQOREQQUSAT, KOMMUNALBESTYRELSE

- Eqqiluutsuutitsineq, aputaajaaneq ilanngullugu, Pisuussutininik uumassusilinnik nakkutiginninneq, Pisuussutinut uumassusilinnut ataatsimiititaliaq suleqatigalugu,
- Kommunip suliffeqarfiutai, nunaqarfinni suliat atortunillu assartuisarnejq ilanngullugit,
- Qatserisarfeqarneq,
- Teknikkikkut immikkoortortaqaqfiup ataaniittut suliffeqarfiit allat, kommunip entreprenøreqarfia,
- Kiassaateqarfiit,
- Atserineq, eqqakkanik tigooqqaaneq, avatangiisit pillugit piumasagaatit,
- Suliffeqarfiit pilersuisut allat, ikullaaviit ilanngullugit,
- Sanaartugassatut pilersaarutit tamaasa, ataatsimiititaliaq namminersortullu suleqatigalugit,
- Avatangiisinik nakkutiginninneq taakkulu pillugit siunnersuineq,
- Nunat eqqissisimatitat pinngortitarlu pillugu suliat,
- Nunaminertamik allaffissorluni nakkutiginninneq sanaartugassallu akuersissutigineqartarneri,
- Namminersortunit suliat tigooqqaarneqarnerisa pilersaarusiorneqarner, sanaartugassat, (aaqqissuusseqqinneq)
- Kommunip illuutaanik ingerlatsineq aserfallatsaaliinerlu, ataatsimiititaliat allat suleqatigalugit.

Ataatsimiititaliaq siunnersuusiortassaaq kommunalbestyrelsemullu innersuusiortassalluni, makkunanga innersuusiortermit aningaasaqarnermut ataatsimiititaliaq aqqusaarneqartassaaq:

- Pilersuinermit suliaqartut sulinerinut akigitassanik aalajangersaaneq,
- Kommunip sanaartugassai sanaartorniagaalu sumulluunniit atorniarneqarneri apeqqutaatinnagit,
- Inissianik amerliliniarluni pilersaarutit,
- Inissianik imaluunniit aaqqissukkanik pisiniarneq tuniniaanerlu.

Ataatsimiititaliaq siunnersuusiortassaaq Aningaasaqarnermullu ataatsimiititaliamut innersuusiortassalluni makkunanga:

- Illoqarfimmi tunngaviusumik pilersaarusiorneq immikkoortunullu pilersaarusiorneq, Aningaasaqarnermut ataatsimiititaliamut tunniunneqarsimasoq.

Ataatsimiititaliaq siunnersuusiortassaaq Aningaasaqarnermullu ataatsimiititaliamut innersuusiortassalluni makkua oqaaseqarfigineqaaqusaagaangata:

- Nunaminertat asiartarfiit pilersaarusiorneqarneranni siunnersuutit – Naalackersuisunit akuerineqartussanngortinneqarnissaat siunertaagaangat.

Ataatsimiititaliaq siunnersuusiortassaaq Aningaasaqarnermullu ataatsimiititaliamut innersuusiortassalluni makkunanga:

- Nuna tamakkerlugu pilersaarusiortermit kommuni ilaatinneqarsimatillugu.

Ataatsimiititaliaq ukununga piginnaatinneqarpoq:

- Sumiiffiit qaqugukkut nutaamik pilersaarusiorneqassanersut aalajangiineq (illoqarfiup ilaanut pilersaarut aamma nunaminertat asiartarfiusartut pilersaarutaat) Kommunimut pilersaarutit allannortinneqarnissaa piumasagaataannigkaangat suliaqartassaaq,
- Illoqarfiup ilaanut pilersaarutinik akuerisaagallartunik akuersissuteqarneq atuuttunngortitsinerlu aamma
- kommunimut pilersaarutit tapissaatut akuerisaagallarsimasut akuersissutigineqarneri naalackersuisunillu akuerisassanngortitat makku siunertaralugit:
- tamanik tusarniaanerup nalaani oqaaseqartoqarsimannigppat naammagittaalliteqartoqaranilu pilersaarutit anguniagaanik pingaarnertullu ilusilersorneqarneranik allannugisinnaasumik.

*Imm. 3.* Aalisarnermut Piniarnermullu Ataatsimiititaliap suliaqarfiit makku iluini suliaqarfiit suliarisassavai:

- aalisarneq, assartuineq, aningaasaateqarfiit saliinerlu pillugit tapiisarnejq,



## QAASUITSUP KOMMUNIA

### AQUTSINERMI ILEQQOREQQUSAT, KOMMUNALBESTYRELSE

- aalisarnek piniarnerlu pillugit siunnersuisuuneq,
- aalisarnermik inuutissarsiuteqarnerup siuarsarneqarnerani qitusoqarfimmik pilersaarusioreq,
- aalisarnek piniarnerlu pillugit kommunip malittarisassaanik suliaqarneq,
- piujuaannartitsinissaq pillugu siunnersuisooqatigiit suliaannik ataqatigiisaaarneq,
- Sanaartornermut avatangiisinullu ataatsimiititaliaq suleqatigalugu.
- Namminersortunit suliat tigooqqarneqarnerisa pilersaarusioreni, aalisarnek piniarnerlu, (aaqqissuusseqqinnek),

Ataatsimiititaliaq siunnersuusiortassaaq kommunalbestyrelsemullu innersuusiortassalluni, makkunanga innersuusiorenermi aningaasaqarnermut ataatsimiititaliaq aqqusaarneqartassaaq:

- Kommunip aalisarnermut politikkaa,
- Ataatsimiititaliat akisussaaffiisa iluini kommunip malittarisassai,
- Piujuaannartitsineq aallaavigalugu atorluannaissaq pillugu aalajangiiffigisassatut siunnersuutit.

*Imm. 4.* Kulturimut, Atuarfeqarnermut Sunngiffimmilu Ataatsimiititaliap suliaasaqarfiit makku iluini suliaassat suliarisassavai:

- Ulluunnerani meeqqanik inuusuttunillu paaqqinnittarfiit, meeraaqqeriviit, meeqqeriviit aamma sunngiffimmi orniguttarfiit,
- Angerlarsimaffimmi paaqqinnittarfiit,
- Atuarfeqarfik, atuartut inissiaat ilanngullugit,
- AEU og FA
- Sunngiffimmi atuartitsineq,
- Atuakkanik atorniartarfeqarneq,
- Katersugaasiviit,
- Kulturikkut suliat paasititsiniaanerlu,
- Peqatigiiffinnut timersornermillu sulialinnut tapiissutit,
- Timersortarfiit kulturikkullu illorsuit,
- Siunnersuineq ilitsersuinermillu suliaqarneq.
- Namminersortunit suliat tigooqqarneqarnerisa pilersaarusioreni, PPR, (aaqqissuusseqqinnek),
- 

Ataatsimiititaliaq siunnersuusiortassaaq kommunalbestyrelsemullu innersuusiortassalluni, makkunanga innersuusiorenermi aningaasaqarnermut ataatsimiititaliaq aqqusaarneqartassaaq:

- Kommunip kulturi pillugu politikkaa,
- Peqatigiiffinnut timersornermillu suliaqartunik tapiissuteqartarnermi malittarisassat,

*Imm. 5.* Inuussutissarsiorenermut Aatsitassarsiorenermut Takornariaqarnermullu Ataatsimiititaliap suliaasaqarfiit makku iluini suliaassat suliarisassavai:

- Inuutissarsiuteqalerniarluni ilinniarnert,
- Inuussutissarsiorenermik siursaaneq siunnersuinerlu,
- Kommunip inuutissarsiuteqarnermik suliai,
- Piareersarfiit
- Inuutissarsiortut kattuffiinik ataatsimiititaliap sulineranik ataqatigiisaaaruuneq,
- Sungiusartitseqqinnek, misiliilluni sulisitsineq sulilersitsisarnerlu,
- Suliffissarsiortunik tapiisarnerit,
- Sulisunik aatsitassaqarnermi suliffeqarfissuup pisariaqartitaanut naleqqussaaneq,
- Attaveqarneq (pilersuineq assartuinerlu)

Ataatsimiititaliaq siunnersuusiortassaaq kommunalbestyrelsemullu innersuusiortassalluni, makkunanga innersuusiorenermi aningaasaqarnermut ataatsimiititaliaq aqqusaarneqartassaaq:



## QAASUTSUP KOMMUNIA

### AQUTSINERMI ILEQQOREQQUSAT, KOMMUNALBESTYRELSE

- Kommunip inuutissarsiutit pillugit politikkia,
- Aatsitassarsiorneq
- Kommunip suliffeqarneq pillugu politikkia.

§ 7. Nunaqarfinni ingerlatseqatigiinni aqutsisuni ilaasortat ikinnerpaamik pingasut amerlanerpaamillu tallimat ilaasortaassapput. Nunaqarfinni kisimiillutik aqutsisuni amerlanerpaamik pingasut ilaasortaassapput. Nunaqarfinni aqutsisut 14-iusut allattorsimaffiat takussutissatut ilanngunneqarpoq ilanngutaq 1-mik taaguuserlugu.

*Imm.* 2. Nunaqarfinni aqutsisut siulittaasussartik namminneq qinissavaat, tak. Aqutsinissamik inatsimmi § 51.

*Imm.* 3. Kommunip nunaqarfiini aqutsisut suleriaasissaat kommunalbestyrelsep aalajangersartassavai, nunaqarfiit ataasiakkaat tusarniaaffigereeraangamigit.

§ 8. Nunaqarfimmi aqutsisut ataatsimiinnissaannut piareersarnermut, ataatsimiigiaqqusinermut aamma ingerlatsinneqarnissaannut malittarisassat, nunaqarfimmi aqutsisut siulittaasuata suliassai ilanngullugit, nunaqarfimmi aqutsisut suleriaasissaanni aalajangersarneqassapput, tak. Aqutsinissamik inatsimmi §§ 51-54.

§ 9. Nunaqarfimmi aqutsisut ataasiakkaat sunik piginnaatitaaffeqassanersut kommunalbestyrelsemit aalajangersarneqassaaq, aqutsinissamik ileqqoreqqusanut ilatillugu. (isumaqatigiissuteqarluni aqutsineq).

*Imm.* 2. Missingersuasiat kommunalbestyrelsemit akuersissutigineqartut iluini kommunalbestyrelsellu maleruaqqusatut aalajngersagai naapertorlugit ingerlatsisoqassaaq.

§ 10. Nunaqarfimmi aqutsisut susassaqarfinni ingerlatsinerat kommunalbestyrelsemit nakkutigineqassaaq.

#### Ileqqoreqqusaq allannguuteqassappat

§ 11. Ileqqoreqqusaq una atuutilerpoq 6. september 2011.

*Imm.* 2. Tamatuma saniatigut Qaasuitsup Kommuniani kommunip aquneqarnissaanik ileqqoreqqusat 14. januar 2011-meersut atorunnaarsinneqarput.

§ 12. Kommunilbestyrelsep ataatsimiinnerini marlunni sivikinnerpaamik ullunik 14-inik akunneqartuni ileqqoreqqusamut uunga allannguutissatut aamma ilassutissatut siunnersuutit suliarineqassapput tak. Aqutsinissamik inatsimmi § 1, imm. 2 aamma allannguutit ilassutillu akuerineqareersut naalakkersuisunut nassiunneqassapput tak. Aqutsinissamik inatsimmi § 1, imm. 4.

Taamaalliluni kommunalbestyrelsep 14. juli 2011-imi aamma 6. september 2011-imi ataatsimiinnerini akuersissutigineqarpoq.

Jess Svane  
Borgmester

Henrik Rafn  
Pisortaaneq